



25. august 2017

Inatsisartut Suleriaasianni § 37 naapertorlugu Naalakkersuisunut apeqputit imaattut matumuuna saqqummiuppakka:

**Naalakkersuisunut apeqputit Nationalbankimit misissuineq pillugu:**

**1. Naalakkersuisut Nationalbankenip kalaallit nunaata aningaasaqarnera pillugu misissuinermini inernerniliineranut naliliineranullu isumaqataanerlutik (Danmarks Nationalbankip misissuina nr.13 ulloq 16. august 2017<sup>1</sup>)? Naalakkersuisut akissuteqarnermini qinnuigineqarput immikkut nassuiaqqullugit sooq ataani allassimasunut naliliinernut isumaqataanerlutik imaluunniit isumaqataanninnerlutik?**

a) Nuummi illoqarfiup ineriartortinnissaanut suliaq eqqarsaatigalugu (ilaatigut illunik, atuarfinnik, atuareernerup kingorna ornittakkanik meeqqerivinnillu sanaartornissaq) taava suliat tunngaviusumik akilersinnaanerisa aalajangertussaavaat ilumut silatusaarnerunersoq piviusunnngortinneqarnissaat?

b) Timmisartunut suluusalinnut mittarfiliornissaq Nuummilu ineriartortitsinissamut suliaq piviusunnngortinneqassappata ataatsikkut, taava qularnanngilaq aporfiit pinngoralissasut taamatullu aningaasartuuteqarnerunissat ilaatigut Danmarkimi Islandimilu sanaartornerup sanarfinerullu annertuallaarnerat pissutigalugu?

**2. Naalakkersuisut qanoq iliorniarpat qulakkeerumallugu Nuummi mittarfiliornerup aamma illoqarfimmik ineriartortitsiniarluni suliat aporfilersuilinnginnissaat taamaasillutillu akitsorsaataalinnginnissaat? Akissummi Naalakkersuisunut nassuiaqquneqarpoq qanoq iliorluni pinngitsoortitsiniarluni pilersaarusiortoqassamaarnersoq peqataanik isummerfigeqquneqarpoq eqqormat oqaatigineqartoq tassa Islandimi Danmarkimilu sanaartortoqarpallaalerpat tamanna nunatsinni aningaasartuuteqarnerunermik kinguneqarumaartoq?**

**3. Naalakkersuisut isumaqarpat Sanarfisassat Namminersorlutik Oqartussat piviusunnngortitaat taamaallaat nalilernerqaqqaartassasut ilumut tunngaviusumik akilersinnaanersut taamaasillunilu aalajangerneqarluni isumatusaarnerunersoq suliat piviusunnngortinneqarnissaat? Imaluunniit Namminersorlutik Oqartussat iluanni sanaartugassaqarpa Naalakkersuisut isumaat naapertorlugu piviusunnngortinneqarsinnaasunik naliliisoqaraluarpalluunniit piffissami massakkut naligat**

1



**appasippallaartoq imaluunniit allaat ajussasooq taamaallaat akilersinnaassusaa tunngavigalugu naliliisoqassagaluarpat?**

**4. Naalakkersuisut Nationalbankip misissuineranut isumaat pingaarnertit suuppat?**

**5. Naalakkersuisut suliamut tunngatillugu soqutiginarturnik allanik oqaatigisaqarsinnaappat?**  
(Inatsisartunut ilaasortaq Randi Vestergaard Evaldsen, Demokraatit)

### **Tunngavilersuut**

Nationalbankip ulloq 16. august 2017 misissuinini saqqummersippaa qulequtaqartoq: "Kalaallit Nunaat ilungersuavoq naak aalisarneq ingerlalluaraluartoq".

Misissuisuuvoq Anders Møller Christensen, Nationalbankip immikkoortortaani Økonomi aamma Pengepolitikmi siunnersortaasooq taamatullu Kalaallit Nunaata Aningaasarnera pillugu Siunnersuisoqatigiinni ilaasortaasooq. Taamaattumik qularutissaanngilaq piginnaasatigut Kalaallit Nunaatalu aningaasaqarneranut paasisimasaqarluarmat.

Demokraatini isumaqarpugut nunatta aningaasarsiornerata ataqatigiinnissaanut pingaaruteqarmat Nationalbankip misissuineranut Naalakkersuisut sukumiisumik itisuumillu isummernissaat pinaveersaartinniarlugu Nuummi mittarfiliornissap illoqarfiullu ineriartortinnissaanut suliap naatsorsuutigisamit akisuneruleratarsinnaanerat.

Apeqqutit akeqquakka ullut suliffiit naliginnaasut qulit iluanni.